


Gofynnwch am:

Dawn Hughes

 **01492 576064**

 **01492 575969**

 committees@conwy.gov.uk

Ein Cyf:

DEJ/DCH

Eich Cyf:

Dyddiad:

10.06.15

Annwyl Aelodau,

Panel Heddlu a Throsedd Gogledd Cymru - Dydd Llun, 15 Mehefin 2015

Cyfeirir at y rhaglen yma ac amgaeaf yr adroddiad(au) canlynol:

- 8iv) Craffu ariannol ar y Prif Gwnstabl gan ac ar ran y Comisiynydd Heddlu a Throsedd (*Tudalennau 2 - 10*)

Yn ddiffuant/Yours sincerely



Delyth E Jones
Pennaeth y Gyfraith a Llywodraethu/
Head of Law and Governance

Teitl:	Craffu ariannol ar y Prif Gwnstabl gan ac ar ran y Comisiynydd Heddlu a Throsedd
Cyfarfod:	Panel Heddlu a Throsedd Gogledd Cymru, 15 Mehefin 2015
Awdur:	Kate Jackson, Prif Swyddog Ariannol

1. Cyflwyniad

- 1.1 Mae Deddf Diwygio'r Heddlu a Chyfrifoldeb Cymdeithasol 2011 yn rhoi cyfrifoldeb ar gomisiynwyr heddlu a throsedd dros ddal prif gwnstabliaid yn atebol am blismona yn eu hardaloedd.
- 1.2 Mae cyllid yn rhan annatod o ddarpariaeth unrhyw wasanaeth cyhoeddus. Am y rheswm hwnnw, mae craffu ar gyllid y Prif Gwnstabl yn rhan bwysig o'r broses o'i ddal yn atebol.
- 1.3 Mae'r adroddiad hwn yn disgrifio'r gweithgareddau yr ymgymrodd y Comisiynydd Heddlu a Throsedd a'r rhai sy'n gweithredu ar ei ran â nhw er mwyn sicrhau fod cyllid yn cael ei ddefnyddio i ddarparu amcanion y Cynllun Heddlu a Throsedd, bod gwariant yn briodol ac yn gymesur a bod gwerth gorau'n cael ei gyflawni drwy gydol y broses.

2. Argymhellion

- 2.1 Bod yr adroddiad yn cael ei nodi.

3. Craffu ar y cyllidebau

- 3.1 Cyllideb refeniw flynyddol y Comisiynydd Heddlu a Throsedd yw oddeutu £140m, gyda'r mwyafrif helaeth o'r arian wedi'i glustnodi i'r Prif Gwnstabl ar gyfer darparu gwasanaethau plismona. Saif y rhaglen gyfalaf bresennol ar oddeutu £25m hyd ddiwedd 2016/17. Yng ngoleuni'r ffaith fod y symiau mor sylweddol, mae craffu effeithiol yn hanfodol bwysig.
- 3.2 Mae'r nawdd cyffredinol ar gyfer gwasanaethau plismona yng ngogledd Cymru wedi gostwng dros y pum mlynedd ddiwethaf ac mae'n debyg y bydd hyn yn parhau dros y pum mlynedd nesaf. Mae arbedion ariannol felly yn ffurfio rhan bwysig o'r broses gynllunio a monitro ariannol.
- 3.3 Wrth osod y gyllideb refeniw mae'n rhaid i'r Comisiynydd ystyried:
 - Lefel grant y llywodraeth – gan anwybyddu effaith grantiau byrdymor penodol, mae'r grant wedi gostwng mewn telerau arian parod bob blwyddyn ers 2010/11, ac mae'n debyg y bydd y tuedd hwn yn parhau hyd o leiaf 2018/19
 - Lefel y dreth cyngor y gellir ei chodi ar drethdalwyr lleol (mae'n rhaid i unrhyw gynnydd arfaethedig fod yn 'rhesymol')
 - Y gofyniad plismona strategol
 - Y Cynllun Heddlu a Throsedd
 - Unrhyw alwadau ar y gwasanaeth sy'n dechrau dod i'r amlwg neu sy'n tyfu
 - Cronfeydd wrth gefn
 - Y gofyniad cyfreithiol i gynhyrchu cyllideb fantoledig
 - Y sefyllfa fwy hirdymor – cynhyrchir Cyd Gynllun Ariannol Tymor Canolig yn flynyddol

- 3.4 Ym mis Rhagfyr 2014, cyfarfu'r Comisiynydd â'r Prif Gwnstabl i drafod y gyllideb ar gyfer 2015/16. Yn bresennol yn y cyfarfod hefyd roedd Prif Weithredwr a Phrif Swyddog Cyllid Swyddfa'r Comisiynydd ac uwch staff a swyddogion perthnasol y Prif Gwnstabl. Roedd y trafodaethau'n canolbwyntio ar:
- Arbedion – a oedd y cynigion yn rhai y gellid eu cyflawni?
 - Galwadau newydd – a oedd y cynigion yn rhesymol?
 - A fyddai'n bosibl darparu amcanion y Cynllun Heddlu a Throsedd?
 - A fyddai'n bosibl darparu'r gofynion plismona strategol?
- 3.5 Dim ond ar ôl cael ateb i'r cwestiynau hyn y gallai'r Comisiynydd gyflwyno ei gyllideb, ei braesept a'i dreth cyngor arfaethedig i'r Panel Heddlu a Throsedd.
- 3.6 Mae'r rhaglen gyfalaf yn cynnwys llawer o linellau y gellid eu hystyried yn rhai 'arferol' (er enghraifft rhaglenni adnewyddu cerbydau a chyfrifiaduron) ond er hynny mae llawer o eitemau sydd o natur 'unwaith yn unig' y mae angen craffu'n benodol arnynt.
- 3.7 Cyn cychwyn ar unrhyw brosiect sylweddol rhaid mynd drwy nifer o gamau. Er enghraifft os penderfynir nad yw adeilad bellach yn addas i'r pwrpas – efallai oherwydd ei oed neu ei gyflwr, gellid sefydlu prosiect cyfalaf er mwyn edrych ar y sefyllfa. Yn yr achos hwn:
- Bydd opsiynau'n cael eu dynodi. Ar gyfer y prosiect arfaethedig yn Llandudno, roedd yr opsiynau a ddynodwyd yn cynnwys:
 - Cadw'r adeilad presennol a gwneud dim ond gwaith cynnal a chadw dydd i ddydd
 - Cadw'r adeilad presennol ond gwneud gwaith uwchraddio ar raddfa fechan er mwyn lleihau'r angen am ragor o waith trwsio o ddydd i ddydd.
 - Cadw'r adeilad presennol a'i uwchraddio fel ei fod yn diwallu'r holl safonau cyfredol angenrheidiol
 - Codi adeilad newydd ar y safle presennol – byddai hyn y diwallu'r holl safonau cyfredol
 - Agor/adeiladu gorsaf ar safle arall – eto byddai hyn yn diwallu'r holl safonau cyfredol
 - Ar ôl rhestru'r opsiynau paratowyd achos busnes ar gyfer pob un yn amlinellu'r holl fanteision ac anfanteision, y costau cyfalaf a'r costau refeniw fesul blwyddyn. Rhoddwyd pob un gerbron y Comisiynydd a'r Prif Swyddog Cyllid fel y gallai'r Comisiynydd wneud penderfyniad gwybodus.
 - Caiff achosion busnes eu cyflwyno i'r Bwrdd Gweithredol Strategol a chaiff y Comisiynydd gyfle i ofyn cwestiynau i'r Prif Gwnstabl a Phennaeth yr Adran Gyfleusterau a Rheolaeth Logisteg cyn iddo wneud penderfyniad. Bydd Pennaeth Cyllid y Prif Gwnstabl hefyd yn bresennol a gall roi rhagor o wybodaeth ynghylch cadernid y dyfynbrisiau a chymaroldeb y wybodaeth ariannol rhwng y gwahanol opsiynau.
- 3.8 Unwaith y bydd y cyllidebau wedi'u gosod bydd yn angenrheidiol sicrhau eu bod yn cael eu monitro'n effeithiol yn ystod y flwyddyn ariannol. Gwneir llawer o'r gwaith cefndir gan y Prif Swyddog Cyllid, sy'n cynnwys:
- Cadw llygad am drosglwyddiadau arian rhwng cyllidebau. Bydd angen gwybod pam fod hyn wedi digwydd. Gall fod o gymorth i reolwr symud arian o un lle i'r llall er mwyn monitro gwariant hollgynhwysfawr. Gall hefyd fod yn ddefnyddiol trosglwyddo rhwng cyllidebau ar gyfer eitemau 'unwaith yn unig' (fel y digwyddodd gyda chyd-gymorth yn 2014/15) fel y gellir asesu'r sefyllfa sylfaenol (h.y. heb gynnwys eitemau 'unwaith yn unig'). Fodd bynnag, rhaid

cadw golwg ar y gyllideb yn erbyn y gyllideb gytunedig wreiddiol, a gall trosglwyddiadau wneud amrywiadau'n llai amlwg. Am y rheswm hwn felly bydd y Prif Swyddog Cyllid yn cadw llygad ar yr holl newidiadau i'r gyllideb gytunedig.

- Gorwariant a thanwariant sylweddol. Bydd y Prif Swyddog Cyllid yn gofyn am eglurhad ynghylch pob amrywiad dros £100k, pa un a yw'n digwydd ar un llinell sengl neu fel cyfanswm o fewn grŵp.
- Rhagamcanion wedi newid yn sylweddol. Os bydd newid mawr mewn rhagamcaniad, boed o fewn llinell sengl yn y monitro neu fel grŵp, bydd y Prif Swyddog Cyllid yn gofyn am eglurhad.
- A yw'r arbedion arfaethedig yn cael eu gwireddu? Mae'r Prif Swyddog Cyllid yn mynychu'r Pwyllgor Busnes ble trafodir arbedion ariannol yn rheolaidd, yn ogystal â'r Bwrdd Rhaglen Rhesymoli'r Ystâd, sy'n canolbwyntio ar dir ac adeiladau'r Comisiynydd Heddlu a Throsedd. Mae'r rhain yn gyfleoedd defnyddiol i asesu a yw'r camau a gymerwyd gan y rheolwyr i sicrhau arbedion yn cael yr effaith ddisgwyliedig ar y gyllideb.

3.9 Cyflwynir adroddiadau monitro cyfalaf a refeniw i'r Bwrdd Gweithredol Strategol ble bydd yn bosibl i'r Prif Swyddog Cyllid a'r Comisiynydd gael unrhyw esboniadau pellach angenrheidiol gan y Pennaeth Cyllid a'r Prif Gwnstabl. Mae'n bwysig bod hyn yn cael ei graffu arno yn y Bwrdd Gweithredol Strategol gan mai fel hyn y gellir cymharu perfformiad ariannol â darpariaeth y Cynllun Heddlu a Throsedd

4. Craffu Arall

4.1 Mae materion ariannol hefyd yn destun archwiliad. Mae'n ofyniad cyfreithiol ar y Prif Swyddog Cyllid i sicrhau bod swyddogaeth archwilio mewnol ddigonol ac effeithiol yn bodoli. Yn ychwanegol, mae Swyddfa Archwilio Cymru yn penodi archwiliwr allanol. Mae'r archwilwyr mewnol ac allanol yn craffu ar y Comisiynydd Heddlu a Throsedd ac ar y Prif Gwnstabl. Mae'r archwilwyr mewnol ac allanol yn adrodd i'r Cyd Bwyllgor Archwilio.

4.2 Mae'r Cyd Bwyllgor Archwilio yn cyfarfod bedair gwaith y flwyddyn (ac yn amlach os bydd angen) a'i bwrpas yw *"...rhoi sicrwydd annibynnol i'r rhai hynny sy'n gyfrifol am lywodraethu ynghylch digonoldeb y fframwaith rheoli risg, yr amgylchedd rheoli mewnol ac unplygrwydd riportio ariannol a phrosesau llywodraethu blynyddol..."* (Audit Committees: Practical Guidance for Local Authorities and Police - CIPFA 2013)

4.3 Gellir cwblhau archwilio mewnol naill ai drwy gyflogi archwilwyr yn uniongyrchol neu drwy ddefnyddio corff allanol. Cyngor Sir Ddinbych sydd ar hyn o bryd yn gyfrifol am archwiliadau mewnol Comisiynydd a Phrif Gwnstabl Heddlu Gogledd Cymru. Yn Atodiad 1 gwelir y cynllun ar gyfer 2015/16, ac yn Atodiad 2 gwelir y mesurau perfformiad.

4.4 Mae adroddiadau'r archwilwyr mewnol yn graddio meysydd yn ôl lefel o sicrwydd yn unol â'r tabl isod:

Graddfeydd Sicrwydd

(yn seiliedig ar y meysydd a adolygwyd)

	Sicrwydd Uchel	Risgiau a mesurau rheoli'n cael eu rheoli'n dda
--	----------------	---

	Sicrwydd Canolig	Risgiau wedi'u hadnabod ond bydd modd eu cyfyngu ar lefel gwasanaeth
	Sicrwydd Isel	Risgiau wedi'u hadnabod sy'n galw am gyfarfod gyda'r Rheolwr Corfforaethol/Pennaeth Rhanbarthol
	Dim Sicrwydd	Risgiau sylweddol wedi'u hadnabod sy'n galw am gynhadledd achos

- 4.5 Roedd graddfeydd sicrwydd pob archwiliad ond un a gwblhawyd yn 2014/15 yn 'uchel' neu 'canolig', Roedd yr archwiliad ble cafwyd gradd sicrwydd 'isel' yn ymwneud â threfniadau llywodraethu partneriaethau, sef maes yr oeddem eisoes wedi'i ddyodi fel un yr oedd angen ei gryfhau.
- 4.6 Mae Swyddfa Archwilio Cymru yn cynnal adolygiadau wythnosol amrywiol, gan gynnwys archwiliad o'r Datganiad o Gyfrifon, perfformiad a gwaith arall sydd, yn eu tyb nhw, angen craffu arno yn ôl yr angen. Os bydd yr archwiliwr mewnol wedi cynnal adolygiad o faes yn ddiweddar, gall Swyddfa Archwilio Cymru ddewis dibynnu ar y gwaith hwnnw.
- 4.7 Mae Swyddfa Archwilio Cymru yn adrodd yn ôl yn rheolaidd i'r Cyd Bwyllgor Archwilio ac, yn benodol, yn cynhyrchu adroddiad archwilio annibynnol ar gyfer y Comisiynydd a'r Prif Gwnstabl a gyhoeddir yn y datganiad o gyfrifon. Yn yr adroddiad hwn bydd yr archwiliwr annibynnol yn dweud a yw'n credu bod y cyfrifon yn rhoi darlun cywir a theg o'r sefyllfa ariannol ac a yw'r cyfrifon wedi'u paratoi'n gywir yn unol â'r Cod Ymarfer ar Gyfrifyddu Awdurdodau Lleol yn y DU.
- 4.8 Ers cyflwyniad comisiynwyr heddlu a throsedd, mae Swyddfa Archwilio Cymru wedi cyhoeddi 'barn ddiamod' ar y datganiadau ariannol (dim gwallau arwyddocaol yn y datganiadau terfynol). Cafodd Awdurdod yr Heddlu a oedd yn bodoli cyn y Comisiynwyr Heddlu a Throsedd hefyd farn ddiamod ar ei ddatganiadau ariannol drwy gydol ei oes. Barn archwiliwr Swyddfa Archwilio Cymru ynghylch gwerth am arian ar gyfer 2013/14 oedd: "Rwy'n fodlon ynghylch bodolaeth y trefniadau oedd gan y Comisiynydd a'r Prif Gwnstabl yn eu lle yn ystod 2013/14 er mwyn sicrhau darbodaeth, effeithiolrwydd ac effeithlonrwydd yn eu defnydd o adnoddau."

5. Goblygiadau

Amrywiaeth	Dim goblygiadau amrywiaeth ar wahân
Ariannol	<p>Mae ar y Swyddog S151 (Prif Swyddog Cyllid) ddyletswydd ymddiriedol i'r trethdalwr i sicrhau fod arian yn cael ei ddefnyddio'n gywir ar gyfer darparu gwasanaethau. Mae ar y Comisiynydd Heddlu a Throsedd ddyletswydd i ddal y Prif Gwnstabl yna atebol.</p> <p>Drwy i'r Prif Swyddog Cyllid graffu ar y modd y mae'r Prif Gwnstabl yn gosod ac yn monitro'r gyllideb; drwy i'r Comisiynydd Heddlu a Throsedd graffu ar berfformiad yr heddlu a thrwy fod â swyddogaeth archwilio mewnol ddigonol ac effeithiol, mae'n bosibl asesu a yw arian yn cael ei ddefnyddio i gyflawni'r cynllun heddlu a throsedd yn effeithiol. Mae gwaith Swyddfa Archwilio Cymru yn rhoi sicrwydd pellach ynghylch y trefniadau ariannol.</p>

	Mae adnoddau ariannol digonol yn hollbwysig o ran darpariaeth y Cynllun Heddlu a Throsedd a chyflawni ein dyletswyddau cyfreithiol.
Cyfreithiol	Dim goblygiadau cyfreithiol ar wahan
Risg	Dim goblygiadau risg ar wahan
Heddlu a Throsedd	Dim goblygiadau heddlu a throsedd ar wahan

Tud 7
Atodiad 1 - Cynllun Archwilio Mewnol Blynyddol 2015/16

Maes Gwaith Archwilio	Rheswm dros Adolygu	Corff	Amserlen Dros Dro	Dyddiau'r Cynllun
Sicrwydd Ariannol		Yr Heddlu		90
Lwfansau Cysoniad Banc Rheoli'r Gyllideb Arianwyr Cynllun Treth y Diwydiant Adeiladu Taliadau Credydwyr Holiad a Dadansoddi Data Dyledwyr Incwm Goramser Cyflogau Pensiynau - Swyddogion Pensiynau - staff Prynu Cardiau Prynu Rheoli Risg Cynllunio Strategol Teithio a Chynhaliaeth Rheoli Trysorlys Treth Ar Werth	<p>Mae systemau ariannol yr Heddlu yn prosesu'r rhan fwyaf o drafodion ariannol yr Heddlu, felly mae rhoi sicrwydd i'r Prif Swyddogion Cyllid bod y rheolaethau allweddol o fewn y systemau pwysig hyn yn cael eu gweithredu'n effeithiol yn rhan sylfaenol o'n gwaith. Mae'r archwilydd allanol (Swyddfa Archwilio Cymru) hefyd yn dibynnu'n helaeth ar ein hadolygiad wrth gyflawni ei waith ar y datganiadau ariannol i roi sicrwydd iddo y gellir dibynnu ar y systemau ariannol i gynhyrchu canlyniadau sy'n sylweddol gywir.</p> <p>Byddwn yn ymdrin â phob un o'r meysydd hynny, ar sail risg, yn flynyddol i ddarparu:</p> <ul style="list-style-type: none"> • cyfraniad sylweddol at y Datganiad Llywodraethu Blynyddol • sicrwydd i'r Swyddog Adran 151 • sicrwydd blynyddol i'r archwilydd allanol <p>Ac mae wedi'i gynnwys oherwydd ei risg o:</p> <ul style="list-style-type: none"> • effaith ariannol fawr • effaith fawr ar gwsmeriaid • effaith gorfforaethol fawr 		Chwarter 1 a 3	
Llywodraethu		Ar y cyd		20
Swyddogaeth y Swyddog A151			Chwarter 2	10

Maes Gwaith Archwilio	Rheswm dros Adolygu	Corff	Amserlen Dros Dro	Dyddiau'r Cynllun
Goruchwyllo trefniadau llywodraethu			Chwarter 2	10
Rheoli Risg		Ar y cyd		25
Adolygiad blynyddol o'r trefniadau ar gyfer rheoli risg o fewn yr OPCC a'r Llu	<p>Mae Heddlu Gogledd Cymru yn wynebu amrywiaeth eang o risgiau strategol, gweithredol ac ariannol oherwydd ffactorau mewnol ac allanol a allent ei atal rhag cyflawni ei amcanion. Mae rheoli risg felly'n bwysig i'r Heddlu os yw am ddarparu ei wasanaethau yn llwyddiannus. Mae system rheoli risg effeithiol yn nodi ac yn asesu risgiau, yn penderfynu ar ymatebion priodol ac yna'n rhoi sicrwydd bod yr ymatebion a ddewiswyd yn effeithiol. Bydd adolygiadau archwilio yn y maes hwn hefyd yn rhoi sicrwydd ar gyfer y Datganiad Llywodraethu Blynyddol.</p>		Chwarter 4	10
Adolygiad o risgiau corfforaethol uchel	<p>Pwrpas Cofrestr Risg Corfforaethol Heddlu Gogledd Cymru yw nodi digwyddiadau posibl yn y dyfodol a allent gael effaith niweidiol ar ei allu i gyflawni ei Gynllun Heddlu a Throsedd Mae'r rheolyddion a'r gweithredoedd a nodwyd yn angenrheidiol ar gyfer cyflawni'r blaenoriaethau corfforaethol.</p> <p>Bydd ein hadolygiadau archwilio yn darparu sicrwydd annibynnol ar effeithiolrwydd dulliau rheoli mewnol a'r systemau sydd ar waith er mwyn lliniaru'r risgiau uchel a nodwyd. Rydym hefyd yn cynnig her annibynnol i sicrhau bod egwyddorion a gofynion rheoli risg yn cael eu mabwysiadu'n gyson ym mhob rhan o'r Heddlu a Swyddfa'r Comisiynydd Heddlu a Throsedd</p>		Chwarter 4	15
Llywodraethu TG		Heddlu		20
Meysydd i gytuno arnynt yn dilyn trafodaeth o feysydd risg allweddol presennol gyda'r Rheolwr TG				

Maes Gwaith Archwilio	Rheswm dros Adolygu	Corff	Amserlen Dros Dro	Dyddiau'r Cynllun
Arian wrth Gefn		Ar y cyd		15
Efallai y caiff gwaith ychwanegol ei gomisiynu ar unrhyw adeg gan y Comisiynydd Heddlu a Throsedd neu'r Prif Gwnstabl.				
Rheoli		Ar y cyd		20
Presenoldeb yn y Cydbwyllgor Archwilio Rhag-gyfarfod Briffio Cadeiryddion Adrodd i'r Prif Swyddogion Ariannol Cyswllt, cyngor a chyfarwyddyd cyffredinol Cynllunio Strategol Cyswllt â Swyddfa Archwilio Cymru			Drwy gydol y flwyddyn	
Camau Dilynol		Ar y cyd	Drwy gydol y flwyddyn	10
Cyfanswm Diwrnodau				200

Atodiad 2 - Mesurau Perfformiad Archwilio Mewnol

I fesur pa mor dda rydym yn cyflawni ein gwaith archwilio hanfodol a gwasanaeth sy'n canolbwyntio ar y cwsmer, byddwn yn defnyddio'r mesurau perfformiad canlynol:

Mesurau Sicrwydd	Targed
Cwblhau'r archwiliad blynyddol o Sicrwydd Ariannol - archwiliad o gredydwy'r a thrafodion cyflogau ar gyfer cyfnod 12 mis y flwyddyn ariannol, gan ddefnyddio arfer ymholi a dadansoddi data	Cyhoeddwyd adroddiad terfynol mewn pryd i gyfrannu at y Farn Archwilio Flynyddol
Cwblhau'r archwiliad blynyddol o Lywodraethu Corfforaethol - adolygiad o faes o'r trefniadau ar gyfer sicrhau llywodraethu corfforaethol effeithiol	Cyhoeddwyd adroddiad terfynol mewn pryd i gyfrannu at y Farn Archwilio Flynyddol
Cwblhau'r archwiliad blynyddol o Reoli Risg - archwiliad i sicrhau bod y trefniadau ar gyfer rheoli risg o fewn y Llu a Swyddfa Comisiynydd yr Heddlu a Throseddau, yn effeithiol.	Cyhoeddwyd adroddiad terfynol mewn pryd i gyfrannu at y Farn Archwilio Flynyddol
Ffurio ac ysgrifennu Barn Archwilio Flynyddol y Pennaeth Archwilio Mewnol, sy'n darparu barn ar effeithiolrwydd y trefniadau ar gyfer rheoli risg, llywodraethu a rheolaeth fewnol.	Cyflwynwyd mewn pryd i gyfrannu at y Datganiad Llywodraethu Blynyddol

Safonau Gwasanaeth Cwsmeriaid	Targed
Byddwn yn cysylltu â chi o leiaf bythefnos ymlaen llaw i drefnu dyddiad addas ar gyfer ein hymweliad.	100%
Byddwn yn trafod, cytuno ac yn anfon Dogfen Gwmpasu'r Prosiect Archwilio Mewnol i chi cyn i ni ddechrau ar y gwaith.	100%
Ar ddiwedd ein gwaith, byddwn yn cynnal cyfarfod cloi gyda'r holl bobl berthnasol i drafod canlyniad ein gwaith, ac yna'n anfon atoch adroddiad drafft o fewn 10 diwrnod gwaith o'r cyfarfod hwnnw.	90%
Unwaith y byddwn wedi cytuno ar yr adroddiad drafft ac unrhyw gamau gyda chi, byddwn yn anfon yr adroddiad archwilio terfynol atoch o fewn pum niwrnod gwaith.	90%